

Data 12.04.2024

PROCESVERBAL- Tipi i kontratës - Shërbime

për argumentimin dhe miratimin e specifikimeve teknike dhe kriterëve për kualifikim
(Ky procesverbal është për efekt publikimi bashkë me dokumentet e tenderit)

OBJEKTI I PROCEDURËS:

Sherbim i mirembajtjes se certifikimeve dhe auditim vjetor ,(Cilesia ,Mjedisi,Siguria ne vendin e punes)

REF-01177-04-12-2024

KODI PËRKATËS NË FJALORIN E PËRBASHKËT TË PROKURIMIT (CPV):

79900000-3 dhe 90700000-4

VLERA E FONDIT LIMIT:

1.988.000 (nje milion e nenteqind e tetedhete e tete mije) leke pa **TVSH**.

Në bazë të nenit 21, pika 2, të Ligjit nr.162/2020 “Për prokurimin publik”, nenit 2, pika 2/c dhe nenit 78, pika 2, të VKM nr. 285, datë 19.05.2021 “Për miratimin e rregullave të prokurimit publik”, autoriteti/enti kontraktor Eco Tirana sha ka hartuar procesverbalin për argumentimin dhe miratimin e specifikimeve teknike dhe kriterëve për kualifikim për procedurën e sipërcituar, me përmbajtjen si më poshtë:

I. KRITERET E VEÇANTA TËKUALIFIKIMIT

1. Kandidati/ofertuesi duhet të dorëzojë:

- a. Formularin Përmbledhës të Vetëdeklarimit, sipas shtojcës 9
- b. Sigurimin e Ofertës, sipas Shtojcës 3;
- c. Formulari i ofertes ekonomike sipas Shtojcës 1 dhe 2;

Argumentimi: Kërkesat e mësipërme bazohen në nenet 76, 82 dhe 83 të LPP, nenit 26, të VKM nr. 285, datë 19.05.2021 “Për miratimin e rregullave të prokurimit publik”

2. Kandidati/Ofertuesi duhet të dorëzojë:

2.1. Përshtatshmëria për të kryer veprimtarinë profesionale (nëse është e aplikueshme):

Kjo pike plotesohet me dorezimin e Formularit Përmbledhës të Vetëdeklarimit, sipas shtojcës 9, duke e plotësuar (shtuar) dhe një deklaratë Referuar ndryshimeve të Ligjit nr. 162/2020 “Për prokurimin publik”, Operatori ekonomik duhet të ketë të regjistruar pronarët përfitues në regjistrin e pronarëve përfitues, sipas parashikimeve të legjislacionit në fuqi; operatori ekonomik duhet të ketë përbushur detyrimet që rrjedhin nga legjislacioni për pagat; operatori ekonomik nuk duhet të ketë asnjë anëtar të një organi administrimi, drejtues ose mbikëqyrës i atij, aksionar ose ortak, i operatorit ekonomik, ose me kompetenca përfaqësuese, vendimmarrjeje ose kontrolluese brenda tij; të dënuar me një vendim gjyqësor të formës së prerë për shkelje të rëndë profesionale.

Argumentimi: Kërkesa e mësipërme bazohet në nenin 26, e VKM nr. 285, datë 19.05.2021 “Për miratimin e rregullave të prokurimit publik” dhe Ligj nr. 16/2024 për disa shtesa dhe ndryshime në ligjin nr. 162/2020 “Për Prokurimin Publik”

2.2. Kapaciteti ekonomik dhe financiar:

2.2.1. Vërtetim nga organet tatimore, për xhiron vjetore për vitet financiare 2021, 2022 ku vlera e xhiros, për të paktën një nga vitet e periudhës së kërkuar, duhet të jetë jo më e vogël se 40 % e vlerës limit të kontratës që prokurohet.

Argumentimi: Kërkesa e mësipërme është përcaktuar bazuar në vlerën e fondit limit të kësaj procedure, si dhe bazuar në nenin 77, pika 3, e LPP, si dhe nenin 43, të VKM nr. 285, datë 19.05.2021 “Për miratimin e rregullave të prokurimit publik”.

Përcaktimi i vlerës së kërkuar argumentohet si më poshtë:

Në përcaktimin e vlerës së xhiros vjetore autoriteti kontraktor i është referuar VKM nr.285, datë 19.05.2021 “Për miratimin e rregullave të prokurimit publik”, Seksionit III, Neni 43 pika 2, gërma (c).

Shënim: Duke qenë se aktet ligjore dhe nënligjore parashikojnë një marzh për vlerën e xhiros që mund të kërkohet, autoritetet/entet kontraktore duhet të argumentojnë vlerën e kërkuar të xhiros brenda këtij marzhi.

Përcaktimi i viteve të kërkuara për paraqitjen e vërtetimit të xhiros vjetore është bërë bazuar në Ligjin nr. 8438, datë 28.12.1998 "Për tatimin mbi të ardhurat", i ndryshuar, Udhëzimit të Ministrit të Financave nr.5, datë 30.01.2006, "Për tatimin mbi të ardhurat", i ndryshuar, VKM-së nr. 922 datë 29.12.2014 "Për deklarimin e detyrueshëm të deklaratave tatimore dhe të dokumenteve të tjera tatimore, vetëm nëpërmjet formës elektronike".

(Shënim: citoni dispozitën përkatëse të legjislacionit tatimor, ku përcaktohen afatet për paraqitjen nga tatimpaguesit të deklaratës vjetore pranë organeve tatimore).

2.2.2.Kopje të çertifikuara të bilanceve vjetore të paraqitura pranë autoriteteve tatimore përkatëse për vitet financiare 2021, 2022, ku bilancet e dy viteve të njëpasnjëshme, nuk duhet të kenë raport negativ ndërmjet aktivitetit dhe pasivitetit.

(Shënim: ky kriter vendoset vetëm në rastet kur vlerësohet nga autoriteti/enti kontraktor)

Argumentimi:Kërkesa e mësipërme është përcaktuar bazuar në nenin 77, pika 3, e LPP, si dhe nenin 43, pika 4, të VKM nr. 285, datë 19.05.2021 “Për miratimin e rregullave të prokurimit publik”.

Përcaktimi i viteve të kërkuara për paraqitjen e bilanceve është bërë duke iu referuar legjislacionit të fushës, konkretisht në nenin 29, pika 1 të Ligjit nr. 8438, datë 28.12.1998 "Për tatimin mbi të ardhurat" i ndryshuar si dhe kërkesave të Ligjit nr. 25/2018 “Për kontabilitetin dhe pasqyrat financiare”.

Shënim: citoni dispozitën përkatëse të legjislacionit tatimor, ku përcaktohen rastet kur personat juridikë kanë detyrimin që të kryejnë auditimin ligjor të pasqyrave financiare vjetore, përpara publikimit të tyre, nga eksperte kontabël ose shoqëri audituese).

2.3 Aftësitë teknike dhe profesionale:

2.3.1. Operatori ekonomik duhet të paraqesë dëshmi për shërbimet e mëparshme të ngjashme, të kryera gjatë tre viteve të fundit nga data e zhvillimit të procedurës, në një vlerë jo më të vogël se 20 % të vlerës së fondit të limitit të kësaj kontrate.

Për të vërtetuar përvojën e mëparshme të ngjashme, operatorët ekonomikë duhet të paraqesin dëshmitë e mëposhtme:

- a) për përvojën e mëparshme të realizuar me sektorin publik, operatori ekonomik duhet të paraqesë vërtetime të lëshuara nga një ent publik për përmbushjen me sukses të kontratës, ku të shënohen vlera, afati i përfundimit të kontratës, ose/dhe faturave tatimore të shitjes, të plotësuara sipas kërkesave të legjislacionit në fuqi, ku shënohen datat, shumat dhe shërbimet e realizuara.
- b) për përvojën e mëparshme të realizuar me sektorin privat, operatori ekonomik duhet të paraqesë fatura tatimore të shitjes, të plotësuara sipas kërkesave të legjislacionit në fuqi, dhe të deklaruara në organet tatimore, ku shënohen datat, shumat dhe shërbimet e realizuara.

Argumentimi: Kërkesa e mësipërme është përcaktuar bazuar në nenin 77 të ligjit nr. 162, datë 23.12.2020 “Për prokurimin publik” dhe në nenin 55, pika 4/b), të VKM nr. 285, datë 19.05.2021“Për miratimin e Rregullave të Prokurimit Publik”. Me anë të këtij kriteri kërkohet që operatorët ekonomikë të dëshmojnë që kanë përvojën e nevojshme për të zbatuar kontratën, prandaj është kërkuar që shërbimet e mëparshme të ngjashme të jenë në vlerën jo më pak se 20 % të vlerës së fondit limit,që është brenda vlerës kufi të përcaktuar në nenin e sipërcituar.

Përcaktimi i vlerës së kërkuar për kontratat e ngjashme argumentohet si më poshtë:

Referuar VKM nr.285 datë 19.05.2021 “Për miratimin e Rregullave të Prokurimit Publik” nenit 55 pika 4b ku është përcaktuar që shërbimet e mëparshme të ngjashme të jenë në vlerën jo më pak se 20 % të vlerës së fondit limit, për të vërtetuar aftësitë teknike të OE me qëllim përmbushjen nevojave të AK.

Shënim: Duke qenë se aktet ligjore dhe nënligjore parashikojnë një marzh për vlerën e kontratave të ngjashme që mund të kërkohej, autoritete/entet kontraktore duhet të argumentojnë vlerën e kërkuar të kontratave të ngjashme brenda këtij marzhi.

2.4. Kërkesa të tjera

KAPACITETI TEKNIK – ISO, SIGURIA PUNE, MJEDISI

1. Operatori Ekonomik duhet të ketë të pakten 6 (gjashtë) punonjes, nga këta të pakten 2 konsulentë që të vërtetojnë që angazhohen, janë të kualifikuar dhe kanë eksperiencë në hartimin e dokumentacionit, implementimit dhe asistencës për standardet ISO 9001, 14001, 45001 dhe SA 8000. Kjo e vërtetuar nga deshmi përkatës.

Ky kriter plotësohet nepermjet deklaramit në Shtojcën 9, Formulari Përmbledhës i Vetëdeklarimit

2. Operatori Ekonomik të ketë të pakten dy persona të diplomuar për inxhinieri IT/Elektronike/Elektrike dhe me kualifikime apo trajnime të ndryshme mbi standardet ISO dhe Ceshtjet e Sigurisë e Shëndetit në Pune. Kjo e vërtetuar nga deshmi përkatës.

3. Operatori Ekonomik duhet të ketë dy nga konsulentët e tij që të kenë përvojë si Lead Auditor për auditimin e standartit dhe versionit të fundit të ISO 9001, 14001, 45001. Për të deshmuar këto pike konsulentët duhet të paraqesin vërtetim/deshmi nga një trupë certifikuese e Akredituar për këto ISO dhe deshmi përkatës si Lead Auditor.

4. Operatori Ekonomik gjithashtu të ketë pjesë të stafit të tyre të brendshëm apo të jashtëm me kontratë një ekspert në fushën e auditimeve dhe konsulencave të mjedisit, ky i fundit të jetë

a. i pajisur me certifikate si Ekspert Mjedisor

b. Vërtetim nga një trupë certifikuese e akredituar për ISO 14001, që është pjesë e kësaj trupe si Lead Auditor për ceshtjet mjedisore;

c. Deshmi mbi trajnime dhe kualifikime mbi mjedisin, mbrojtjen, vlerësimin dhe ndikimin në mjedis, etj. Certifikatat e leshuara si Lead Auditor për ISO 14001 të jenë të akredituara nga një organ sipas ISO 17024, kombëtare dhe nderkombëtare.

5. Operatori Ekonomik duhet të vërtetojë që dy prej Lead Auditoreve të jenë edhe pjesë e një trupi certifikuese të Akredituar sipas ISO 17021 dhe që kryen auditime certifikimi për trupën për ISO 9001, 14001, 45001, si prova për kualifikimin e tyre duhet të paraqiten vërtetime nga trupa certifikuese e akredituar për këto persona.

6. Operatori Ekonomik duhet te jete i pajisur dhe i certifikuar me sistemin e menaxhimit sipas ISO 9001:2015, ISO 14001:2015, ISO 45001:2018, ISO 27001:2013 Te katra certifikatat te jene te vlefshme dhe te leshuara nga nje OVK e akredituar per te treja standardet. Akreditimi i OVK duhet te njihet nga DA e Shqiperise ose ent nderkombetar akreditimi i njohur ne Republiken e Shqiperise.

7. Operatori Ekonomik ofertues duhet qe aktivitetin e konsulences dhe certifikimi te standardeve ISO ta kete pjese te objektit te paraqitur ne QKB. Gjithashtu te jete i Licensuar nga QKL sipas licences X.2.B per Trajnime dhe formim profesional per keto tema:

a. mbi standardet ISO 9001, 14001, 45001,

b. mbi pergjegjesin dhe koordinimin e shendetit e sigurise ne pune

c. mbi ndihmen e pare dhe higjenen ne pune.

d. mbi mbrojtjen nga zjarri dhe shpetimin, evakuimet, pajisjet dhe fikset e zjarrit, etj

Kjo duke e vertetuar me aneksin dhe miratimin nga Agjensia Kombetare e Aftesive dhe Pune.

Argumentimi: Kërkesa e mësipërme është përcaktuar bazuar në nenin 77 të ligjit nr. 162, datë 23.12.2020 “Për prokurimin publik” dhe nenit 41, pika 2, pika 4 germa a dhe b dhe c, pika 6 të VKM nr. 285, datë 19.05.2021 “Për miratimin e Rregullave të Prokurimit Publik”.

Hartimi i specifikimeve teknike është kryer duke iu referuar kërkesave dhe nevojave të autoritetit kontraktor Eco Tirana sh.a. në fushën e veprimtarisë së tij.